

» l' introduzion dell' estere candelle. El le gà da vender a soldi 18 la
 » lira ; i dise ch' el le venda a 20. Ma no voggio saverlo. Cosa a lui
 » costa el seo? Quarantanove lire al 100. Supponemo per un mo-
 » mento, che tutte el le fazza de grasso de manzo, el ghe costa 49
 » lire al 100 : più, per quei bollettini, che vien distribuidi ai nobili,
 » de 10 lire per un, che le crede, che se ghe fazza un regalo a
 » darghele a otto soldi alla lira, mentre al partidante le ghe costa
 » sette; per sto supposto aggravio el gà la libertà da poder doper-
 » rar nella facitura delle candelle de seo ogni altro grasso, e ghe ze
 » per questo imposto el debito a ogni beccher de portargheło tutto,
 » anca quello dei castrai. Le senta, cosa in tutto a lu le costi ; le
 » abbia l' esperienza fatta da un diligente rappresentante commis-
 » sionà dal senato. Nove lire per 100 nel cusinnarlo se ghe computa
 » de calo ; 49 lire de costo, fa in tutto 58, sicchè con 58 lire el ga
 » 91 lira de candele ; se le ghe fa el facile computo, le vede, che in
 » 100 lire de candele el ga un zecchinetto netto de guadagno. Sette
 » mille lire de candele ze el consumo giornalier ; ecco 70 zecchini
 » netti, colla libertà inoltre de far candele con quel grasso, che più
 » ghe comoda, con pregiudizio del popolo e del villico anche, el
 » qual per sta arbitraria total libertà del partido de sciogliere le carni
 » de quella qualità ch' el vol, nol pol esitar quei animali, che non ri-
 » servadi, che al maggio, ghe deve servir per le spese dei altri e per
 » pagar le sue gravezze, i so affitti.

» Entremo in un altro genere, parlemo dei salumi. Le sardelle
 » salade el popolo le paga a un soldo l' una : vardemo cosa le costa
 » al botteghier. Un estero venudo a Venezia deve per 15 giorni
 » colle spese del fermo e del nolo aspettar el commodo e le rissolu-
 » zion dei capi dell' arte ; finalmente i va a esaminar la mercanzia, e
 » incominciando dal disprezzarla altieramente, i gh' esibisce 27 o
 » 28 lire al mier ; dibattuda la tara e el sconto, le ghe vien a costar
 » 25 lire al mier ; el magistrato alla Giustizia Vecchia ga da far la
 » tariffa : un piccolo regalo fatto all' estero venditor che no vol sa-
 » verghene, perchè za el va via, fa nascer un altro contratto fittizio.